



ТОШКЕНТ ҲАҚИҚАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган

2004 йил 29 сентябрь, чоршанба

№ 78 (11.673)

Эркин нархда сотилади

Ўзбекистон Республикаси Президентининг
ФАРМОНИ

Ўзбекистон Республикаси Маданият ва спорт ишлари вазирлигини ташкил этиш тўғрисида

Маданият ва спортни ривожлантириш муаммоларини комплекс тарзда ҳал этиш, жисмонан соғлом, маънавий жиҳатдан бой ва баркамол шахсларни тарбиялаш учун шарт-шароитлар яратиш, соғлом турмуш тарзи ва спортга муҳаббат туйғусини синдириш, аҳолининг маданий ва эстетик талаб-эҳтиёжларини янада тўлроқ қондириш, шунингдек маданият ва спорт соҳасини бошқаришни такомиллаштириш, бу соҳада давлат сиёсатини амалга оширишни мувофиқлаштириш даражасини кўтариш мақсадида:

1. Ўзбекистон Республикаси Маданият ишлари вазирлиги ҳамда Ўзбекистон Республикаси Давлат жисмоний тарбия ва спорт қўмитаси туғатилиб, уларнинг негизда Ўзбекистон Республикаси Маданият ва спорт ишлари вазирлиги ташкил қилинсин.

2. Қуйидагилар, Ўзбекистон Республикаси Маданият ва спорт ишлари вазирлиги фаолиятининг асосий вазифалари ҳамда йўналишлари этиб белгилансин:

маданият ва оммавий спорт соҳасида ягона давлат сиёсатини амалга ошириш, халқнинг бош маданий меросини қайта тиклаш, асарлар мобайнида шаклланган юксак маънавиятни, халқ анъаналари ва урф-одатларини ҳар томонлама ривожлантириш, жисмонан соғлом, маънавий жиҳатдан бой ва уйғун камол топган шахсларни воқеа етказиш борасидаги комплекс чора-тадбирларни амалга ошириш;

миллий истиқлол ғоясидан, Ўзбекистон халқининг маданий ва маънавий-ахлоқий анъаналаридан келиб чиққан ҳолда аҳоли ўртасида маданий-маърифий, физкультур-соғломлаштириш ва оммавий спорт ишларини амалга ошириш, одамларнинг маданий ва эстетик эҳтиёжларини янада тўлроқ қондириш;

театр, мусика, хореография, тасвирий санъат, цирк, халқ амалии ва эстрада санъатини янада ривожлантириш, уларнинг ғоявий-бадий ва маънавий савиясини ошириш, халқ тарихининг энг ёрқин саҳифаларини ва унинг ҳозирги ҳаётини, мамлакатнинг эркин демократик тараққиётини ёритиб берадиган асарлар яратишда ижодий жамоаларга ҳар томонлама ёрдам кўрсатиш; маданий-оммавий ва бай-

рам тадбирларининг чуқур ғоявий мазмун билан бойитилишини таъминлаш, республиканинг ижодий уюмлари ва жамоат ташкилотлари билан яқин ҳамкорлиқни йўлга қўйиш, ижодкор ёшларни ҳар томонлама қўллаб-қувватлаш, уларнинг ўз таланти ва истеъдодларини тўла намоён этишлари учун зарур шарт-шароитларни яратиш;

жисмоний тарбия ва оммавий спортни ривожлантириш, аҳолини, биринчи навбатда ёшлар ва болаларни спорт билан шуғулланиш зарурлигини англаш руҳида тарбиялаш, соғлом турмуш тарзи ва спортга муҳаббат иштиёқини синдириш, ёшларни меҳнатга ва республика қурулди кучларида хизмат қилишга тайёрлаш;

Олимпия уйинларида, жаҳон ва Осиё чемпионатларида, халқаро мусобақаларда Ўзбекистон шарафини муносиват химоя қиладиган ва юқори спорт натижаларига эриша оладиган юксак маҳоратли спортчиларни тайёрлаш мақсадида олимпия захираси муассасаларини қўллаб-қувватлаш ва зарур шарт-шароитларни яратиш, жумладан, уларнинг моддий-техника базасини мустаҳкамлаш;

халқ уйинлари, миллий спорт турлари бўйича мусобақалар ташкил қилиш ва ўтказиш;

турар-жойлар ва маҳалларда маданий-маърифий фаолиятни, аҳолини маданий ва жисмоний жиҳатдан тарбиялашни ташкил қилишда, физкультур-соғломлаштириш ва оммавий спорт ишларини ўтказишда давлат ва жамоат ташкилотлари, ўқув

юртлари, маҳаллий ҳокимият органлари билан фаол ҳамкорлик қилиш ва уларга ёрдам кўрсатиш;

давлатларо ва халқаро маданий ҳамда спорт алоқаларини кенгайтириш ва мустаҳкамлаш, конференция, кўргазма ва спорт мусобақалари ўтказиш, маданият, санъат ва спорт соҳасига хорижий инвестиция ва грантларни жалб этиш борасидаги ишларни ташкил қилиш;

маданий-маърифий ва спорт-соғломлаштириш муассасалари, объект ва иншоотларининг моддий-техника базасини ривожлантириш ҳамда мустаҳкамлаш, улардан имконият даражасида тўла ва самарали фойдаланишни таъминлаш;

маданият ва спорт соҳасида кадрлар тайёрлаш ва қайта тайёрлашни ташкил қилиш, республика маданий-маърифий ва спорт-соғломлаштириш муассасалари, ўқув юртларини юқори малакали кадрлар билан таъминлаш;

профессионал, халқ ва хаваскорлик ижодиётини, оммавий спорт ва жисмоний тарбияни, оммабоп маданий-маърифий ва спорт дастурларини кенг қўламда тарғиб қилиш, шунингдек маданият ва спорт соҳасида оммабоп адабиётларни чоп этиш ҳамда видео ва кино материаллар чиқариш.

3. Ўзбекистон Республикаси Вазирлар Маҳкамаси икки ҳафта мuddатда Ўзбекистон Республикаси Маданият ва спорт ишлари вазирлигининг фаолиятини ташкил этиш бўйича Ҳукумат қарорини қабул қилсин.

4. «Ўзбекистон Республикаси Маданият вазирлигининг ташкилий тузилмасини янада такомиллаштириш ва унинг фаолиятини яхшилаш тадбирлари тўғрисида» Ўзбекистон Республикаси Президентининг 1992 йил 9 мартдаги ПФ-360-сон Фармони ўз кучини йўқотган деб ҳисоблансин.

Ўзбекистон Республикаси
Президенти

И. КАРИМОВ.

Тошкент шаҳри, 2004 йил 27 сентябрь.

Ҳамкорликка бағишланди

Ўзбекистон давлат жаҳон тиллари университетидан Хитой Халқ Республикаси олий ўқув юртлари билан ҳамкорлик алоқаларига бағишланган учрашув бўлиб ўтди.

Университетда хитой тили бўйича мутахассислар тайёрланади. Ўзбекистонлик ўқув талабалар шу кунлари ўз мустақиллигининг 55 йиллигини нишонлаётган Хитойдаги нуфузли олий ўқув юртларида таҳсил олиб қайтапти. Кечада университет талабалари

ижросида ўзбек ва хитой тилларидаги кўшиқлар янгради.

Тадбирда Хитой Халқ Республикасининг мамлакатимиздаги Фавқуллоҳда ва муктор элчиси Гао Юйшэн иштирок этди.

Ў.А.

• 27 сентябрь куни вилоят бўйича қабул пунктларида 11127 тонна пахта топширилди. Бу йиллик режага нисбатан 4,05 фоизга тенг. Шу кунгача жами 75694 тонна ёки йиллик режанинг 27,53 фоизи миқдориди пахта хом ашёси тайёрланди.

• Чиноз тумани ҳар кун режанинг 5 фоизидан ошириб пахта тайёрлаб, кунлик суръатда ҳам, йигим-теримнинг бориши бўйича ҳам вилоятда қарвонбошилиқ қилмоқда. Юқори-чирчик, Бўка, Ўртачирчик ва Окқўрғон туманларида кунига йиллик режанинг 4-4,60 фоизи миқдориди пахта терилмоқда.

• Пахта йигим-теримида кунига 192 мингдан зиёд киши фаол иштирок этмоқда. Улар асосан ширкат ва фермер хўжаликлари аъзолари, шунингдек, маҳаллий уюшмаган аҳоли вакиллариридир.

• Окқўрғон, Бўка, Куйичирчик, Пскент, Ўртачирчик, Чиноз туманларида машина теримида киришилди. Айниқса, Куйичирчик, Бўка, Окқўрғон ва Чиноз туманларида «Кейс»-ларни теримга тўла сафарбар этишга ҳаракат қилинмоқда. Қолган туманларда ҳам бугун-эрта терим агрегатлари ишга туширилади.



Ўзбекистон Республикаси Президентининг
ФАРМОНИ

Ш. Нурматовни Ўзбекистон Республикаси Қишлоқ ва сув хўжалиги вазирлиги этиб тайинлаш тўғрисида

Шермат Нурматов Ўзбекистон Республикаси Қишлоқ ва сув хўжалиги вазирлиги этиб тайинлансин.

Ўзбекистон Республикаси Президенти

И. КАРИМОВ.

Тошкент шаҳри, 2004 йил 28 сентябрь.

«Пахта-2004»

Куч ва имкониятлар етарли

агар улар тўла ишга солинса, кунлик терим суръати янада ошиб, етиштирилган ҳосилни ёғин-сочинли кунларга қолдирмай саранжомлаб олиш мумкин

Вилоят пахта штабининг навбатдаги йиғилиши бўлиб ўтди. Унда вилоят прокуратураси, ички ишлар ва адлия бошқармалари, «Кучлик» ва «Пахта» нефть маҳсулотлари унитар корхоналари, қишлоқ ва сув хўжалиги маҳмутига кирувчи бошқарма ва ташкилотларнинг раҳбарлари, шаҳар ва туманларнинг ҳокимлари иштирок этди.

Йиғилишни вилоят ҳокими Қозим Тулганов бошқарди. Пахта штаби аъзолари жойларда йигим-терим ишларининг бориши ҳамда 2005 йил ҳосили учун ғалла экишининг бугунги аҳолини муҳофама қилдилар. Ушбу масалалар юзасидан туман ҳокимларининг ҳисоботлари тингланди.

Ақсарият туманларида пахта йигим-терими ҳар томонлама пухта ташкил этилаётгани туфайли кунлик суръат вилоятнинг ўртача кўрсаткичидан анча юқори бўлмоқда. Чунончи, Чиноз тумани кунлик теримда 5 фоизли, Бўка, Юқори-чирчик, Ўртачирчик, Окқўрғон туманлари 4-4,5 фоизли даражага кўтарилди.

Шу билан бир вақтда айрим туманларда терим мавсумини қисқа мuddатда муваффақиятли яқунлаш юзасидан белгиланган тадбирларни оғишмай амалга оширишда сусткашликка йўл қўйилаётгани таъкидланди. Хусусан, Бекобод, Пскент, Куйичирчик, Янгйўл туманларида терим суръати вилоятдаги ўртача даража-

дан пастлигича қоляпти. Бунинг асосий сабаби ширкат ва фермер хўжаликлари аъзолари ҳамда худудлардаги уюшмаган аҳоли йигим-теримга тўлиқ сафарбар этилмаётганидир. Шунингдек, қатор туманларда машина теримини бошлаш ҳеч қандай сабабсиз пайсалга солинмоқда.

Йиғилишда 2005 йил ҳосили учун ғалла экишининг бориши ҳам қоникарсиз эканлиги кўрсатиб ўтилди. Айниқса, сабзавоткор Охангарон, Зангиота, Қўрай ва Паркент туманларида сукашликка йўл қўйилаётгани кечириб бўлмас ҳолдир.

Йиғилишда муҳофама этилган масалалар юзасидан тегишли қарор қабул қилинди.



Бекобод туманидаги «Ўзбекистон» ширкат хўжалигида пахта йигим-терими қизғин палла кирди. Ҳар кун 1340 нафар оилавий пудратчи ҳамда маҳаллий ҳашарчи теримда фаол иштирок этмоқда. Уларни моддий рағбатлантириш чора-тадбирлари ишлаб чиқилган. Масалан, ҳар бир бўлимнинг икки нафар илгор теримчисига ўн минг сўм, режани биринчи бўлиб бажарган бош пудратчи ҳамда ҳосилдорликни 30 центнерга етказган пудратчи биттадан ғилам муқофотга берилади. Бугунги кунгача 1250 гектар майдонда етиштирилган ҳосилнинг учдан бир қисми йиғиб-териб олинди.

СУРАТЛАРДА: кунига 140 килограмдан пахта тераётган хўжалик аъзоси Дилфуза Ҳолмуродова; маҳаллий ҳашарчилар теримда.

Даврон АҲМАД олган суратлар.

Муносабат

Дахлдорлик туйғуси

Ҳаёт ўзгариб бормоқда. Иқтисодий, ижтимоий-сиёсий ҳаётнинг барча жабҳаларида амалга оширилаётган ислохотлар натижасида турмуш тарзимиз, ўз меҳнатимизга муносабатимиз ўзгариб бораётир. Ҳар биримизнинг мана шу азиз Ватанимиз фуқароси эканлигимизни ҳис қилиш туйғумиз ўткирлашмоқда. Замондошларимизнинг бугунги ҳаётдаги яхши-ёмон ҳолатларга дахлдорлик ҳисси тобора яққол намоён бўлиб бораётир.

Лекин, афсуски, пухта ишлаб чиқилган истиқболли дастурлар, сарфланаётган қанчадан-қанча ресурслар иқтисодий-ижтимоий ривожлантириш соҳасида ҳамиша ҳам қўйилган натижаларни бермаётир. Ўзибўларчилик, манфаатпарастлик, ошна-оғайнигарчилик, қариндош-уруғчилик авж олиб, қонунбузарликлар содир этилаётганиги ҳам сир эмас. Ташвишланарлиси шундаки, баъзи ҳолларда айрим вилоят, шаҳар ёки туман ҳокимликлари, бошқа манфаатдор шахслар бундай гайриқонуний ишларга бош-қош бўлиб қолишмоқда. Таъмағирлик ва порахўрликнинг пайини қирқийга қаратилган амалий чора-тадбирлар сустлиги ҳам жамиятда адолатсизликни кучайтириб, жиноятчиликнинг барҳам топишини кечкәтландек гўё. Амалдор ва раҳбарнинг нопок қисмаларга пушти-паноҳ бўлиши, уларни ўз ҳимоясига олиб, ҳомиёлик қилиши-чи?

Ўзбекистон Республикаси Президенти Ислам Каримовнинг Халқ депутатлари Наманган вилоят кенгашининг навбатдан ташқари сессиясидаги нутқини ўқиган кишининг ҳаёлидан юқоридаги сингари фикрларнинг

ўтиши табиий. Негаки, Юртбошимизнинг бу нутқи Андижон, Сурхондарё ёки Самарқанд вилоятлари кенгашиларининг сессияларидаги очиқ ва ачық гапларни яна ҳам чуқурлаштирди. Гап, ким бўлишдан қатъи назар, ҳар бир шахснинг жамиятда кечаётган жараёнларга, ундаги ҳолатларга муносабати хусусида бормоқда. Ҳеч бир киши, айниқса, катта-катта лавозимларни эгаллаб турган раҳбарларнинг бунга лоқайдлик билан муносабатда бўлиши, ўз фаолиятларида беғамликка ва манманликка берилишлари асло мумкин эмас.

Каттами-кичикми, раҳбар ҳамиша халқнинг кўзи ўнгиде бўлади. Давр ва халқ ишончи мансаб кўрсимига ўтказган бу кишилар ҳокимият номидан иш юритаётганликларини ҳеч қачон унутмасликлар. Ҳақ. Уларнинг ҳар бири хатти-ҳаракати одамлар кузатиб, таҳлил қилиб боришади. Раҳбарлар ўзларининг гайриқонуний фаолиятларини, бемаза ишларини яширишга қанчалик уринмасинлар, жамоатчилик ким қандай оёқ олаётганлигини қуриб,

(Давоми 2-бетда).

Қарор ва ижро

Пластик карточкалар анча қулай

Ўзбекистон Республикаси Вазирлар Маҳкамасининг «Пластик карточкалар асосида ҳисоб-китоб қилиш тизимини янада ривожлантириш чора-тадбирлари тўғрисида»ги қарори ҳисоб-китоб ишларини нақд пулдан фойдаланмай пластик карточкалар асосида йўлга қўйиш халқ хўжалигининг барча соҳаларида нақд пул билан муомала қилишни қайтаришга қаратилганлиги билан катта аҳамиятга эгадир.

Пулли савдо-сотик, хизмат кўрсатишдаги ҳисоб-китобларда электрон тизимнинг жорий қилиниши, тўловларнинг банклар орқали айланиши нақд пул эмиссияси, яъни пулнинг очик муомаладаги айланишини кескин қисқаришга олиб келади. Бу айниқса, ҳозирги бозор иқтисодиёти шароитида жуда кўл келади — пул муомаласида ортиқча оворагарчиликка чек қўяди. Ҳисоб-китоб ишларининг тезлашиши ва соддалашишига олиб келади.

Бу илгор технология вилоятимиз шаҳар ва туманларида ҳам ўзига йўл топаётти. Банклар пластик карточкалар ёрдамида электрон тўловларни тобора кенгайтириб бормоқда. Олиб борилган тарғибот-ташвиқот ҳамда тушунтириш ишлари орқали аҳолининг янги услубга нисбатан ишончи кучаймоқда. Ангрен шаҳрида ҳам пластик карточкалари эгалари сони кўпаймоқда. Бу соҳада республика Ташқи иқтисодий фаолият миллий

банкни шаҳар бўлими жамоаси ҳозирдаёқ муайян натижаларга эришди. — Шунини айтиш керакики, электрон ҳисоб-китоблар тизимининг жорий этилиши нақд пулдан бутунлай воз кечиш дегани эмас, — дейди миллий банкнинг шаҳар бўлими мудир Асатулло Қоратов. — Ишчи-хизматчилар ўз иш ҳақларининг бир қисмини шундай тартиб билан харажат қилиш йўлига ўтказишлари мумкин. Уни бўлажак миқдорларини ўзлари ихтиёрий истасаларгина қўлаймиз. Бироқ дастлабки натижалар унинг кўпчиликка маъқул бўлаётганлигини кўрсатмоқда, электрон карточкалардан фойдаланишга қизиқиш мустасносис барча меҳнат жамоаларида кучаймоқда.

Ҳозирги вақтда банк бўлими ходимлари корхоналарда ишчи-хизматчилар ойллик иш ҳақларининг маълум қисмини пластик карточкаларга ўтказиш бўйича иш олиб бормоқдалар.

(Давоми 2-бетда).

Тадбир

Гиёҳванд моддалар йўқ қилинди

Шу йилнинг 28 сентябрь куни мамлакатимиз ҳуқуқ-тартибот органлари ходимлари томонидан қўлга туширилган 566 килограмм гиёҳвандлик воситалари ҳамда психотроп моддалар йўқ қилинди.

Юртимизда фаолият юритаётган дипломатик корпус, мамлакатимиз ва хорижий оммавий ахборот воситалари вакиллари иштирок этган мазкур тадбирда Ўзбекистонда гиёҳванд моддаларнинг ноқонуний айланишига қарши курашиш борасида самарали натижаларга эришилаётгани алоҳида таъкидланди.

Ўзбекистон гиёҳванд моддаларнинг ноқонуний савдосига қарши кураш бўйича халқаро ҳамжамият олдидаги мажбуриятларини тўла ва ўз вақтида бажаришга катта эътибор қаратмоқда. Бундай турдаги жиноятчиликка қарши кураш бўйича ҳуқуқий асос яратилган. Хусусан, БМТнинг мазкур соҳаларга оид конвенциялари асосида Ўзбекистон Республикасининг «Гиёҳвандлик воситалар ва психотроп моддалар тўғрисида»ги қонуни қабул қилинган. Гиёҳванд воситалар ва психотроп моддаларнинг ноқонуний сотилишига қарши кураш бўйича 2002-2005 йилларга мўлжалланган давлат дастури доирасида қўллаб-қоратилган амалга оширилмоқда.

Таъкидлаш жоизки, мамлакатимизда 1994 йил май ойида биринчи марта 14 тонна гиёҳванд модда ёкиб юборилган. Ашъвий далил сифатида мусодара этил-

ган наркотик моддалар суд қароридан сўнг наркотик моддаларни назорат қилиш бўйича Ўзбекистон Республикаси давлат комиссияси, суд, ҳуқуқ-тартибот идоралари, тиббиёт, оммавий ахборот воситалари ходимлари, БМТ вакиллари ҳамда бошқа мутахассислар иштирокида махсус печларда ёкиб юборилади.

Ўзбекистон Миллий хавфсизлик хизматида олинган маълумотларга қараганда, ҳуқуқ-тартибот идораларининг биргаликдаги саъй-ҳаракатлари натижада 1994 йилдан буюн мамлакатимизда жами 36 тонна оғу ана шундай усулда йўқ қилинган. Жорий йилнинг биринчи ярмида эса гиёҳванд моддалар савдоси билан боғлиқ 4534 жиноят фош этилди.

Мамлакатимизда гиёҳванд моддаларнинг ноқонуний айланишига қарши курашиш бўйича барча зарур инфратузилма мавжуд. Ўзбекистон бу борада қўшни мамлакатлар, дунёнинг етакчи давлатлари ва халқаро ташкилотлар билан яқин ҳамкорлик қилиб келмоқда. Бу ҳамкорлик ўз самарасини бермоқда.

Фазлиддин АРЗИЕВ,
Ў.А. мухбири.

• Муносабат

Дахлдорлик туйғуси

сезиб туради. Адолатсизликка йўл қўйлаётганлиги, қонун бузилаётганлигини одамлар ўзларида муҳокама қилиб боришади ва атрофдаги воқеа-ҳодисаларга ҳам шунга яраша муносабат билдиришади.

Сессиядаги бир гапнинг кўнгилга ўтириб қолиши таъин: «Қачонки, раҳбарнинг юраги ҳам, қўли ҳам тоза бўлса, таънадан, ғараздан йироқ бўлса, унинг табиатида қатъиятлик билан вазминлик, талабчанлик билан ақл-заковат уйғун бўлса, фақат шундагина у одамларнинг ҳам-таъшишини ўз қалбидан ўтказишга қодир бўлади». Афсусли, кўп ҳолда

(Давоми. Боши 1-бетда).

ларда бунинг аксини кўраймиз. Гоҳида, айтайлик, ўз мустақил ишини бошлашга киришадиган тadbиркор тегишли ҳужжатларни расмийлаштириш учун ҳокимликларнинг йўлақларида овораси сарсон бўлиб юрганликларини кўраймиз. Қанчадан-қанча минерал ўғитлар, нефть маҳсулотлари талон-торож қилиниб, гоҳи ҳолларда қўшни мамлакатларга чиқариб юборилаётганлиги ҳақидаги гап-сўзларни ҳам эшитиб қоламиз. Ёки, соғлиқни сақлаш, халқ таълими соҳаларидаги баъзи қинғир ишларни олиб кўринг. Жиноятчиликнинг олдини олиш соҳасидаги ўзибўларчиликлар-чи? Хуллас, Юртбошимизнинг

сўнгги нутқи ҳар биримизни ўз ҳаётимиз, мамлакатимизда кечаётган жараёнларга муносабатимизга таъкидий бир назар ташлаб олишга даъват этмоқда. Гап шундаки, мамлакат равақли, амалга оширилаётган ислохотларнинг муваффақияти ўз бурчимизга, меҳнатимизга, Ватан келажагига берадиган эҳтишомимизга боғлиқ. Ҳар бир фуқаро ўз юртининг истиқболини кўзлаб яшаса, яхши кўнларга интилиб меҳнат қилса, мамлакат тинчлиги, ижтимоий ҳаётнинг барқарорлиги учун фидойилик кўрсатса, мана шундагина Ватан гуллаб-яшнайд.

Жўрабек МУРОДОВ.

• Қарор ва ижро

Чунончи, бугунги кунга қадар 9-шахтанинг меҳнатчилари бир мингтадан ортиқ шундай қарточка билан таъминланди. «Ангрен кўмири» жамоасига эса 1200 дондан ортиқ пластик қарточка етказиб берилди. «Автокўмир» корхонасининг транспортчилари эса 250 та қарточка олдилар.

Улар ҳар ойда оладиган иш қарточкаларнинг фақат 20 фоизи шу қарточкаларга ўтказилмоқда, қолган 80 фоизини эса иш жойларида қўлга нақд олмақдалар.

Келажақда «Кўмир» акциядорлик жамиятида 6000 нафар ишчинини яъни 100 фоиз қончиларни қарточкалар билан таъминлаш режалаштирилган. Шу йилнинг охиригача уларнинг 3000 нафари шундай қарточкаларга эга бўлади.

Банк бўлими билан 9-шахтада пул муомаласида янги ҳақиқатни қўллаш имконини берадиган банкомат ўрнатиш ниятига эришди. Шундай муаммоларни «Ангрен кўмири» корхонасида ўрнатиш бошлаб юборилди. Бу пластик қарточкалар

(Давоми. Боши 1-бетда).

Пластик қарточкалар анча қулай

калар эгаларига кўрсатиладиган хизмат ҳажмининг ортишига олиб келади.

Савдо-сотик шохобчаларига янги усулни жорий қилиш учун зарур бўлган терминалларни ўрнатиш ҳам давом этмоқда. Жумладан, «Тошкент-Регионал-Трединг» савдо корхонасининг бу ердаги дўконида шундай мослама ишга дўконида пластик қарточкаларни орқали кўрсатилаётди. У ўрнатиладиган бери шу усул билан қисқа муддат ичида аҳолига салкам 6,5 миллион сўмлик турли маҳсулотлар сотилди. Ангрен деҳқон бозори ҳудудида жойлашган хусусий «Рахматова М.» дўконида терминалнинг фойдаланишга топширилиши билан савдо-сотикда сезиларли силжиш юз берди. Бу ерда пластик қарточкалар ёрдамида со-

тилан маҳсулотлар ҳажми 7 миллион 442,8 минг сўмликни ташкил этди.

Банк бўлими жамоаси коммунал хизматлардан фойдаланиш бошқармаси, «Исиклик манбаи», «Сув-оқава», Ангрен РЭСи каби корхона-ташкилотлар билан аҳолидан коммунал хизматлар учун ҳақ олишда, савдо шохобчалари, автотомобилларга ёниги қўйиш тармоқлари билан ҳам пул ўтказишнинг юқоридаги усулини жорий қилишни назарда тутмоқда. Улар билан икки ўртада шу ҳақда ўзаро шартномалар тузилди. Уларни амалга ошириш бироз кечикмоқда. Чунки, терминаллар муаммоси ҳал бўлмапти. Ҳозирча шундай мосламалардан 15 та етишмай турипти. Бу масала ҳал бўлиши билан юқорида тилга олинган корхона-ташкилотлар нақд пулсиз муо-

малани йўлга қўйиш имкониятига эга бўлади.

Шаҳар пул-кредит сиёсати комиссияси миллий банк бўлимининг нақд пул айланишини камайтириш, унинг ўрнига пластик қарточкалардан фойдаланишни ўзлаштириш бўйича амалга оширган дастлабки тadbирлари яхши самара бераётганлигини маълумлади ва уни жорий қилишни кенгайтириш бўйича тушунтириш ишларини янада кучайтирмоқда.

Ўзбекистон Республикаси Вазирлар Маҳкамасининг «Пластик қарточкалар асосида ҳисоб-китоб қилиш тизимини янада ривожлантириш чора-тadbирлари тўғрисида»ги қарори бу соҳадаги ишларни янада кенгайтириш учун қулай имкониятлар яратди.

Мунаввара ИСОҚУЛОВА.

• Кучли давлатдан – кучли жамият сари

Журналистнинг сайловдаги ўрни

Ўзбекистон Республикаси Марказий сайлов комиссиясининг Матбуот марказида янги парламент сайлови жараёнида журналистларнинг ҳуқуқий ва касбий фаолиятини янада оширишга бағишланган давра суҳбати бўлиб ўтди.

Тadbир Ўзбекистон журналистлар ижодий уюшмаси ташаббуси билан ташкил этилди. Унда ҳуқуқий мавзуда ижод қилаётган журналистлар иштирок этди.

Бу йил мамлакатимиз сиёсий ҳаётида улкан воқеа – икки палатали парламентга сайлов бўлиб ўтди. Давлатчилигимиз тарихида илк марта ташкил этилаётган профессионал парламентни шакллантириш шу заминда ашаддиган фуқароларнинг сиёсий фаоллигига ҳам боғлиқ.

Кейинги йилларда Ўзбекистон миллий сайлов тизими ва сайлов қончилигига қатор ўзгаришлар киритилди. Сайлов мавзусига мурожаат қилаётган журналист эса улардан яхши хабардор бўлиши лозим. Бу нафақат бугунги сайловолди

кампанияси, балки сайлов жараёнини очик-ошкора, ҳолис ёритишда жуда кўп келади. Шу боис Ўзбекистон журналистлар ижодий уюшмаси ҳузурида ташкил этилган тўққиз ижодий кенгашидан бири – ҳуқуқий мавзуда қалам тебратадиган журналистларни ўз атрофига бирлаштирган. Сайлов арасида мазкур кенгаш бу жараёнда журналистларнинг касбий маҳоратини янада юксалтиришга алоҳида эътибор қаратапти.

Давра суҳбатида бу борада амалга оширилаётган ишлар таҳлил этилиб, олдинда турган вазифалар белгиланди.

Н. АБДУРАИМОВА,
ЎЗА мухбири.

Сифатни бошқариш – муваффақият гарови

Ўзбекистон Республикаси Вазирлар Маҳкамасининг шу йил 22 июлда қабул қилинган «Корхоналарда халқаро стандартларга мувофиқ бўлган сифатни бошқариш тизимларини жорий этиш чора-тadbирлари тўғрисида»ги қарори корхоналарнинг халқаро стандартлар асосида ишлаш тартибига ўтишда муҳим омил бўлаётди.

Ушбу меъёрий ҳужжатда белгиланган талаблар юртида ишлаб чиқарилаётган ҳар бир маҳсулот ва кўрсатилаётган хизматни ички ҳамда ташқи бозорда рақобатбардорлигини янада оширишга, мамлакатимизнинг экспорт салоҳиятини юксалтиришга қаратилган. Қарорда кўрсатилган икки юздан ортиқ корхонанинг айримларида бу борадаги лойиҳаларни муваффақиятли амалга ошираётган «SKS Consulting» компанияси бош директори Мурод Абдуҳақимов ЎЗА мухбирига қуйидагиларни сўзлаб берди:

– Компаниямиз «Ўзстандарт» агентлиги билан ҳамкорликда халқаро стандартларга мувофиқ келаётган сифатни бошқариш тизимларини ишлаб чиқиш ва жорий этиш бўйича хизмат кўрсатади. Михозларга бугун дунёнинг энг олди корхоналарида жорий этилган ва фаол қўлланиб келинаётган халқаро андозлар ҳисобланмиш – ISO 9000:2000, ISO 14000, ISO 17025 талабларини таъминлашда кўмаклашамиз.

Ҳозиргача «СамКочАвто», «Хобас ТАПО», «Green World» қўшма корхоналари ва «Сугурта бизнес» суғурта компаниясида баҳарган лойиҳаларимиз сертификатциядан муваффақиятли ўтди. Уларда хорижий ҳамкорлар истедагида маҳсулот ва иш юритиш тартиби ўрнатилганки, бу бизнесда жуда муҳим жиҳат саналади. «Сувмаш», «Гулистон» эг экстракция», «Tues Bueno», «VinLand» ва Бухоро нефтни қайта ишлаш заводи каби корхоналарда эса бу борадаги ишларни изчиллик билан давом эттирялмиш.

Айтиш керакки, ҳар бир корхонани халқаро стандартга мувофиқ сифатни бош-

қариш тизимига ўтказиш муайян муддат ва катта маблағ талаб этади. Ишнинг ҳажмига қараб олти ойдан ўн саккиз ойгача вақт мобайнида малакали мутахассисларимиз корхонадаги барча жараёнларни синчковлик билан ўрганиб чиқади. Бунда ҳар бир ишчи-ҳодимнинг психологик имкониятидан то идора тузилмасининг нечоғли самарали ишлаб чиқилганига қадар барча маълумот чуқур таҳлил қилинади. Сўнг булар асосида муайян хулосалар чиқарилади ва зарур тавсиялар берилди.

Сифатни бошқариш – корхонада бир неча йўналишда дунё андозларига мос келадиган фаолият юритиш тартибини жорий этиш демакдир. Ана шундай асосда истеъмолчилар талабига тўла жавоб берадиган сифатли, пишиқ, экологик тоза ва ҳар томонлама бадавистир маҳсулотлар ишлаб чиқариш имкони яратилади. Натияжада ҳақон бозорида маҳсулотларимизга ишонч янада мустаҳкамланиб, мамлакатимиз экспорт салоҳияти ортади.

Бундан ташқари, корхоналарга барча микёсдаги тендерларда иштирок этиш ҳамда фойдаланилмаётган ички захираларини янада оқилона ишга солиш учун имконият очилади. Бу, шубҳасиз, улар даромадининг кескин ортишига ҳам замин яратди. Бир сўз билан айтганда, корхона замон руҳига мос равишда ишлаб бошлайди.

Ҳукуматимизнинг республика аҳамиятига молик йирик корхоналарда сифатни бошқариш тизимини жорий этишга қаратилган чора-тadbирлари иқтисодиётимиз ривожига муносиб ҳисса қўшади.

ЎЗА.

• «Пахта-2004»



«Эшонабод»:

Режа тўққиз иш кунинда

Бу йил ҳам Чиноз тумани ҳўжаликларини давлатга пахта сотиш шартнома режасини вилотда биринчи бўлиб баҳарлаш бошлаб берилди. «Эшонабод» ширкат ҳўжалиги аъзолари 440 гектар майдондан тўққиз иш кунинда 1100 тонна юқори навли хом ашё йиғиштириб олиб, дастлабки маррани эгалладилар.

Саидқарим Дилдобеков раҳбарлигида 53 гектар ерда деҳқончилик қилган оилавий пудратчилар шартнома режасини 7 иш кунинда баҳарладилар. Дониёр Тўленов, Маърифат Исмоилова, Турғунбек Аббеков кўнига 120-130 килограммдан пахта териб, режанинг барвақт баҳарлашишга катта ҳисса қўшдилар.

Юксак унум билан ишлатилган учта



Ёнғин ҳам офат

Пахта хом ашёсини етиштириш республика иқтисодиёти учун қанчалик зурур бўлса, уни турли табиий офатлардан, жумладан, ёнғиндан сақлаш ҳам шунчалик муҳимдир.

Ёнғин тилсиз ёв эканлиги ҳаммага маълум. Айрим кишиларнинг лоқайдлиги, ўз вазифасига масъулиятсизлиги туфайли ёнғин қиқшиши ва оқибатда деҳқонларнинг машаққатли меҳнати билан етиштирилган халқ бойлиги, кўпчиликнинг ризқ-рўзи бўлган пахта қулга айланиши ҳеч гап эмас. Вилот ИИБ Ёнғин хавфсизлиги бошқармаси ходимлари пахта ҳосилини териб олиш, сақлаш ва қайта ишлаш масъулсини нобудгарчиликсиз ўтказиш учун ёнғин хавфсизлиги қондаларига тўлиқ риоя қилиш зарур эканлигини эслатиб ўтди.

Пахта териш машиналари операторлари, трактор ҳайдовчилари, уларнинг ёрдамчилари ва йиғим-теримга жалб қилинган бошқа масъул ҳодимлар ёнғинга қарши махсус йўриқномадан ўтишлари шарт. Ушбу йўриқномани ўтмаган ҳодимлар йиғим-терим ишларида қатнашиши ман этилади. Йиғим-теримда ишлатиладиган терим машиналари, тракторлар ва бошқа транспорт воситалари муқамал соғланиб, учқун ушлагич билан бирламчи ўт ўчириш анжомлари билан жиҳозлангани лозим. Мой ва ёниги томадиган қисмлар, электр ускуналари носоз ва учқун ўчиргичсиз бўлган машиналардан фойда-

ланиш тақиқланади. Пахта хом ашёси ортилган тиркамалар усти брезент билан ёпилган бўлиши керак.

Пахта териш машиналарида, пахта ташитётган транспорт воситаларида, пахта далаларида, хом ашё сақланадиган жойларда иш пайтида чекиш ва очик оловдан фойдаланиш, бункерлари хом ашё билан тўлдирилган терим машиналарига ёниги қўйиш ва далаларда қолдириш ман этилади.

Теримчиларнинг ётоқхоналарида носоз ва вақтинчалик электр симларидан фойдаланиш, қорғоз ва латталар билан электр лампаларини ёниш, қийим-кечак ва бошқа

буюмларни электр симларга ёйиш, чекиш, очик оловдан фойдаланиш, овқат тайёрлаш ва хоналарни иситиш учун электр асбобларидан фойдаланиш, шам ва гўгурт билан хоналарни ёритиш, тез ёнувчи суюқликлар билан печкаларни ёқиш мумкин эмас.

Ёнғиннинг олдини олиш теримчиларнинг ҳам, хом ашёни қайта ишловчиларнинг ҳам, хирмонда, тайёрлов пунктида ишлаётганларнинг ҳам муқаддас бурчидир.

К. АШИРОВ,
вилот ИИБ ёнғиннинг олдини олиш бўлими инспектори.

Шийпонда учрашув

Тadbиркорлар ва ишбилармонлар ҳаракати – Ўзбекистон либерал-демократик партияси қишлоқ ҳўжалиги соҳасида амалга оширилаётган ислохотларни, фермер ва деҳқон ҳўжаликлари ривожлантиришни қўллаб-қувватламоқда. Партия қишлоқ ҳўжалигидаги муаммоларни ҳал этмасдан туриб, иқтисодий ислохотларни муваффақиятли давом эттириб бўлмайди, деб ҳисоблайди.

Юқоричирик туманидаги Бардонқўл қишлоғининг Хван Ман Гим номи фермер ҳўжалиги дала шийпонда партиянинг аграр сиёсатига бағишланган учрашув чоғида ана шулар ҳақида гапирди. Фермер ҳўжалиги раҳбари Станислав Хван галлачилик ва пахтачиликни ривожлантириш режалари, пахта терими билан боғлиқ муаммолар, ишчи ва хизматчиларга яратилаётган шароитлар ҳақида гапириб берди. Учрашувда катнашган илғор теримчилардан Дилором Алматова, Буйоша Ўтбосарова, Баҳодир Қамолов, Шухрат Бозорқуловлар етиштирилган ҳосилни қисқа муддатда йиғиб-те-

риб олишда алоҳида жонбозлик кўрсатишяпти. Улар кўнига 70-100 килограмм пахта теришаётир.

Учрашув чоғида Ўзбекистон Республикаси Олий Мажлиси сайловларга тайёргарлик, унда партия вилот ташкилотининг иш-тироқи ҳақида ҳам фикрлашиб олинди.

Шу кўни фермер ҳўжалигида ишлаётган бир гуруҳ пахтакорлар партия сафига қабул қилинди.

Учрашув сўнггида пойтахтдан ташриф буюрган таниқли санъаткорлар Ўз концерт дастурларини намойиш этдилар. Бу теримчиларга кўтаринки руҳ бағишлади.

Раъно ХОЛИҚОВА.

Жараён билан танишдилар

Ўзбекистонда яшаб, меҳнат қилаётган ҳар бир киши бугун ўзини пахтакор деб ҳисоблайди. Бу ҳолат Янгийўл туманидаги «Нибёбод» ширкат ҳўжалиги даласида янги бир қирраси билан намоён бўлди.

Ўтган шанба кўни Ўзбекистонда фаолият кўрсатаётган элчионаларнинг ҳодимлари оилалари билан бу ерга чиқиб, пахта теришди. Австрия, Америка, Индонезия, Австралия, Япония, Франция, Польша — жами 22 мамлакат дипломатия ваколатхоналари ҳодимлари ва уларнинг фарзандлари деҳқонлар билан суҳбатлашиб, пахта етиштириш жараёнлари билан танишди. Туман раҳбарлари уларга пахтакорларнинг меҳнати, турмуши, яшаш шароитлари

ҳақида гапириб беришди. Пахтазордаги бу учрашув вилот хотин-қизлар кўмитаси ҳузуридаги «Ҳамдўстлик» клуби томонидан ташкил этилди. Вилот ҳокимининг ўринбосари, хотин-қизлар кўмитасининг раиси Адиба Аҳмадзонова кўнгилли теримчиларга ҳамроҳ бўлди.

Р. АХМАДЖОНОВ.

СУРАТДА: Дўстлик дала-сида терим пайти.

Рашид ГАЛИЕВ олган сурат.



Фан, техника ва таълимда илғор технологиялар

Тошкент ахборот технологиялари университетиде «Фан, техника ва таълимда ахборот-коммуникация ва ҳисоблаш технологиялари» мавзусида халқаро конференция бошланди.

Унда мамлакатимиз илмий-тадқиқот институтлари, акционерлик компаниялари, муассасалар ва ўқув юртлири олим ва мутахассислари, Россия, Ҳиндистон, Қозғистон, Қирғизистон, Тожикистон илмий-тадқиқот институтлари ва олий ўқув юртлири вакиллари иштирок этмоқда.

Конференциянинг биринчи кўнида катнашчиларнинг маъруза ва чиқишларида XX асрнинг иккинчи ярмидан бошлаб саноат ҳамятидан глобал ахборот жамиятига ўтиш бошлангани таъкидланди. Ахборот ва телекоммуникация технологиялари унинг технологик асоси бўлиб, тараққиётнинг етакчилигига айланди. Улар жамият иқтисодий ўсишига хизмат қилмоқда ҳамда катта

ҳажмдаги ахборот ва билимлардан эркин фойдаланиш учун шароит яратиб, алақибат жиддий ижтимоий-иқтисодий ўзгаришларга олиб келмоқда.

Анжуманда сўзга чиққанлар математик моделлаштиришнинг турли жараёнларида кенг қўлланиладиган ҳисоблаш технологияларининг аҳамиятини алоҳида қайд этди. Ҳозирги вақтда ҳар бир мамлакат ўз шароитидан келиб чиққан ҳолда ҳақон ахборот ҳажмаиятига қўшилишнинг ўз концепциясини ишлаб чиқмоқда. Жамиятни ахборотлаштиришда фан, техника ва таълимнинг уйғунлашуви кузатишмоқда.

В. НИКОЛАЕВ,
ЎЗА мухбири.

Ўзбекистон Бадий академияси Халқаро маданият қарвон саройида мамлакатимизда давом этаётган Япония маданияти кўнлари доирасида япон миллий либослари ва рақс санъати тарихига бағишланган анжуман бўлиб ўтди.

Табиатга эҳтиром тимсоли

Тadbир Бадий академия ҳамда Республика Байналмилал маданият маркази билан ҳамкорликда ташкил этилди.

Унда Япония миллий рақс санъати ҳақида атрофлича маълумот берилди. Асрлар мобайнида шаклланган Кўнчиқар юрт миллий рақс санъати ўзига хос анъаналарга эга эканлиги таъкидланди.

Тadbирда япониялик

раққоса Фудзима Сэйюми томонидан «Турна рақси» намойиш этилди. Турна японлар учун поклик, гўзаллик ва абадийлик тимсоли саналади. Рақсда бутун она табиатга эҳтиром ўз ифодасини топади.

Анжуманда япон миллий либослари намуналари намойиш этилди.

Назокат Усмонова,
ЎЗА мухбири.

Тошкент вилоти адлия бошқармасининг нотариат бўйича Малака комиссиясининг 3.09.2004 йилдаги 6/2004-сонли қарорига асосан, Зангиота туманида хусусий амалиёт билан шуғулланувчи нотариус Қучкар Исабоевич Далабоевнинг 1997 йилда берилган TS 000054 сонли нотариал фаолият билан шуғулланувчи лицензияси БЕКОР қилинди.

Тошкент вилоти адлия бошқармасининг нотариат бўйича Малака комиссиясининг 3.09.2004 йилдаги 6/2004-сонли қарорига асосан, Чиноз туман давлат нотариал идорасининг катта нотариуси Абдусаттор Абдулҳафизович Ганиевнинг 2000 йилда берилган TS 00081 сонли нотариал фаолият билан шуғулланувчи лицензияси БЕКОР қилинди.

ДИЛ РОЗИМ

Эркинлик дунёда энг улғу бир бахт,
Эришмасдан хурликка қуролмайсан тахт.
Хурлик келса осон, қадри билинмас,
Қачонки, эрк учун бағринг тилинмас.
Куз келиб учинса жанубга қушлар,
Қайтса баҳор, йўлин тўсмайди кучлар.
Бу само қушларнинг бариға тенгдир,
Қўқ тоқи, азизлар, шунчалар кенгдир.
Хоҳлаган манзилга бориб қучади,
Хурлиқнинг гаштини суриб учади.
Қўриб парвозини фалак қушининг,
Қуш бўлиб қолгиси келар қушининг.
Ватан дийдорига қанча зор бўлди,
Истиқлолга етиб, бахтиёр бўлди.
Мустақиллик нишонин тақди ўзбек,
Хурлик қўшига тик боқди ўзбек.
Ўзбекистон, ўзга бўстониим йўқдир,
Бағринда жон берсам, армониим йўқдир.

СОҒИНЧ ЎРТАР

Соғинч ўртар йиллар ўтиб юртдан узоқда,
Ақдамни то тирикман миннат қилмайман.
Ўлмас экан умид дўстлар, ҳатто тузоқда,
Келиб бир кун, юртим сени қўймоқ истайман.

Ватан севмоқ имондандир, чунон билдим ман,
Дарбадорлик ўқитди кўп, оз кун қўлдим ман.
Дўст бўлди саждағоҳим, тиллақ қилдим ман,
Ўзбек элим ўз бағринда юрмоқ истайман.

Шеърят

ИФТИХОР

(Фарҳия)

Етти иқлим кезсам ҳам сенга талпиндим Ватан,
Олтишгача ўқидим ҳаёт китобларини.
Аждодларни қадрлаш муносиб ворисга тан,
Ёш авлод тинглар сергак давр китобларини.

Рухият озигидир боғларинг сархуш атри,
Ўзбекистон деганда таралгай хуш ифори.
Хурлиқдан илҳом олуш шоирларинг ҳар сапери,
Сенга олам махлиё Шарқнинг сўлим диёри.

Ўзбекона хулқ-одоб оламга ўрнатқ бўлур,
Қўёш янглиғ чароғон дилбалларинг орузи.
Саховат, савоб, поклик — жонларга жондош хузур,
Инсофу ҳалолликда тенг халқимга тазоруси.

Улусдан фахрлиб шукрим айтдим юракдан,
Бахти бутун элимнинг, зотан, ёрқин ўқболи.
Истиқболнинг юқини елкалаган эй, Ватан,
Сен зўр манзил қўзлаган катта карвон тисмоли.

Пахтаман-ку, кўнглингдай оқ, конларинг қайнар булоқ,
Бир-биридан шукҳи сара олтининг бирсёр.
Миллатим қадрият бебаҳо бойлик бирсёр,
Ўзига бек бўлган буюк ўзбек халқим бор.
Абдуғани СУЛАЙМОН.

Қилмиш-қидирмиш

НАФСИДАН ИЛИНДИ

Паркент вилоятимизнинг сўлим гўшларидан бири. Шу боис бу томонларда дам олувчиларнинг саногий йўқ. Қолаверса, пойтахтимизда яшовчи кўпгина фуқароларнинг дала ҳовлилари ҳам шу томонларда. Мўмай даромад илнжидида айрим кимсалар ана шу дала ҳовлиларга ўғрилиққа тушиб, ўзларга мулкига кўз олай-тирмоқда. Жумладан, Тошкент шаҳрининг Қорақамши 1/2 даҳасида яшовчи Владимир Кириченко «Навбахор» ширкат ҳўжалиги ҳудудига жойлашган дала ҳовлисига келса, эшиклар бузилган, ичкари бетартиб бўлиб, кўпгина буюмлари йўқ. Тарвузи кўлтигидан тушган дала ҳовли соҳиби дарҳол бу ҳақда туман ички ишлар бўлимига ариза билан мурожаат қилди. Воқеа жойига чиққан ички ишлар ходимлари дала ҳовлидан 350 минг сўмлик кийим-кечак ва уй-рўзгор буюмлари ўғирланганлигини аниқлаб, зудлик билан ишга киришди. Олиб боришдан тезкор тадбирлар жараёнида ушбу ўғрилиқни Собир Раҳимов тумани Қорақамши 1/2 даҳасида яшовчи Александр Суровцев содир этганлиги аниқланиб, далилий ашёлар билан ушланди.

Зўравонлик ОҚИБАТИ

Охангарон шаҳар, Бирлик кўчасида яшовчи Р. Микмин спиртли ичимликка обдон тўйиб, ошхонадан чиқди. Шу аснода рўпарасидан фуқаро В. Захар чиқиб қолди. Гирт маст Р. Микмин унга ҳезланди. Ўртада жанжал бошланди. Гап ўзаро дўк-пўисалар билан тугамади, Микмин зўравонликка ўтди. У кўрак қисмига пичоқ билан уриб, В. Захарга оғир тан жароҳати етказди. Жабрдийда тан жароҳати тубайли касалхонанинг жонлантриш бўлимига ётқизилди. Пичоқ ашёвий далил сифатида олинди. Энди зўравон терговчиларнинг саволларига жавоб бераётти.

Шерали АНВАРОВ,
вилоят ички ишлар
бошқармаси матбуот
гурухи катта инспектори.



Рассом хандаси

Ота:
— Таба, бу зумраша чекишни қачер-
дан ўради экан?
А. ҲАКИМОВ чизган расм.

Муассис:

ТОШКЕНТ
ВИЛОЯТИ
ҲОКИМЛИГИБош муҳаррир
вазифасини бажарувчи
Убайдулла
АБДУШОҲИДОВТелефонлар:
Хатлар ва оммавий
ишлар бўлими: 133-40-48
Эълолар: 133-58-85,
136-53-54.

• Sport • Sport • Sport • Sport • Sport • Sport •

XIV Осиё чемпионати

Ғалаба билан бошланди

Малайзия пойтахти Куала-Лумпурда бошланган XIV Осиё чемпионатида биринчи тур учрашувлари ўтказилди. Рауф Инилеев бошчилигидаги мамлакат ёшлар терма жамоаси Лаос футболчилари билан баҳс юритди.



Учрашувнинг биринчи бўлимида дарвозалар даҳлсизлиги сақланиб қолди. 54-дақиқада фарғоналик Нодир Қўзибоев ҳисобни очди. Бирок, лаосликлар ҳисобни тенглаштирдилар. 71- ва


Карвонбошилар баҳси

XIII мамлакат миллий чемпионатида 19-тур учрашувлари ўтказилди. Марказий учрашув Фарғонада бўлиб ўтди. «Нефчи» «Пахтакор» билан баҳс юритди.


Учрашувнинг дастлабки дақиқаларида майдон эгаларининг қўли баланд келди, лекин биринчи бўлим 0:0 ҳисобида якунланди. Учрашувнинг 53-дақиқасида Владимир

Шишелов ҳисобни очишга эришган бўлса, олти дақиқадан сўнг майдон эгалари ҳисобни тенглаштирдилар ва у ўйин охиригача ўзгармай қолди.

• Шундан кейин

БОБОСИ
АЙТГАНДЕК
ҚИЛДИ

Тел шаҳридан унча узоқ бўлмаган Гондурас департаментида ғалаати ҳодиса юз берди. Илон одам боласи томонидан тишлаб олинган. Эрта тонгда уйдан чиққан Хосе Томас Торрес Санчесни илон чақди. Лекин у қараб турмасдан, илонни тутиб ғажиб ташлайди. Маълум бўлишича, бу уйқусизликнинг оқибати эмас, аксинча, аждодлари томонидан қолган тажриба маҳсули экан. Унга боболари: «Агар сени илон чақса, сен ҳам уни заҳарла, яъни тишлаб ол, шунда заҳар таъсир қилмайди» деб ўргатишган.

ХЕМИНГУЭЙ
КИЁФАДОШЛАРИ
ТАНЛОВИ

65 ёшли қозғистонлик Владимир Маликов Эрнест Хемингуэйга ўхшайдиганлар ўртасида ўтказилган танловда финалга чиқди. Алма-тилик бу киши 25 та энг ўхшаш чехралардан бири бўлди. Лекин буюк ёзувчи ниятда ўхшаш киши Шимолий Каролина штатидан келган 56 ёшдаги Жон Стаббингс эканлиги аниқланди. Ушбу конкурс ёзувчининг 105 йиллигига бағишланиб, Флорида штатида ўтказилди.

ҲАРАКАТСИЗЛИК
— УМР ЗАВОЛИ

Ҳаракатсизлик, кечкурунлари телевизор қаршида, диванда узала тушиб ётиш ҳар йили Гонконгда 7 миллионга яқин одамни ажал қомига тортоқда. Бу рақам кашандалиқидан ҳам кўп. Санган университети олимларининг таъкидлашларича, Гонконгдаги 35 ёшгача бўлган ҳар 4 кишидан бири ҳаракатсизлиги билан ўз умрини қисқартирар экан.

«Тошкент ҳақиқати»нинг
навбатдаги сони
1 октябрда кучи чиқади.

ЧП «АВН NABI-JAMOL CAPITAL» (ОКПО 19514256) ЛКВИДИРУЕТСЯ. Претензии принимаются в течение 2-х месяцев по адресу: Хамзинский район, ул. Фаргона йули д. 369. Т. 126-07-12.

Чакана савдо фаолияти билан шуғулланидиган яқка тартибдаги тадбиркор Хамидов Қобилжон Махмудович номига 2003 йил 27 марта берилган 108-рақамли «Даромадлар ва товар операцияларини ҳисобга олиш дафтери» йўқолганлиги сабабли БЕКОР ҚИЛИНАДИ.

Мирзо Улуғбек туманидаги яқка тартибдаги тадбиркор Нодир Курбонова Зокидова берилган бурчак штампий йўқолганлиги сабабли БЕКОР ҚИЛИНАДИ.

Частное предприятие «MIRROBID-T» преобразуется в общество с ограниченной ответственностью «MIRROBID-T».

Аззам АЗИМОВ,
техника фанлари
доктори, профессор.
(Давоми бор).

• Бекажон

КИЙИМ САҚЛАШ СИРЛАРИ

Кийимларни жомадон, сандик, берк шафаларда узоқ вақт сақлаб бўлмайди. Аиникса, зах билларда ва нам ҳолатда сақлаш зарарилир. Шақфа нам бўлган кийимларни устима-уст ишти мумкин эмас. Кийимларни аиникса, мўнаили кийим-бошларни ўз вақтида қуритмаслик уларнинг ишдан чиқишига сабаб бўлади. Барча буюмларни йилда бир марта қуёш кунда соя жойда 2-3 соат ёйиб шамоллатиб қуритиш керак. Қуёш нури тўғри тушиб турганда кийимларнинг ранги аийний, мўйна буюмлар ва қоракўл пўстинларнинг чарм тўқимаси тез қуриб қотиб қолади.

Очк ҳавода ёйиб олинганда кийим бузилишига сабаб бўладиган микроорганизмлар ва уларнинг тухумлари тезда улади. Суний замиш ва суний терида тайланган буюмларни офтобга ёйиш тавсия этилмайди, чунки бундай шароитда улар бузилади. Кийимлар қуригандан сўнг уларнинг чанги кетказилади. Кийим ва бош кийимларнинг чанги, одатда, тукли чўтка билан тозаланади. Мўйна буюмларнинг чанги қўқ қафти билан қоқиб тозаланади.

Хуришда НАЗАРОВА.

ТОШКЕНТ ҲАҚИҚАТИ
ТАШКЕНТСКАЯ ПРАВДА